

中華民國廿三年十一月

夏津縣志新編

許宗海題跋

東岱

夏津縣志

重修夏津縣志序

余自雍正八年冬來署夏津縣事至乾隆元年夏蒙

恩實授茲邑先後十二年間凡一縣之中幅員之廣狹道里之遠近村落之聚散戶口之盈縮土性之肥瘠生殖之多寡天時之豐歉人力之勤惰風俗之淳薄文物之盛衰足之所至目之所歷耳之所接心之所思靡不周循而計慮焉然而古與今有異制也時與勢有殊形也以余一人司牧黎元奉令承教其何以使政治之行有得而無失歟其何以施之於今而宜準之於古而無愧歟其何以時與勢不能使之不分而治人與治法能明乎補救之方審乎因革之故又可以信今而傳後歟若此者觀一縣之有志庶乎知古今之代嬗而時勢之有不同也詳政治之所出而得與失可

夏津縣志

序

爲鑒也北齊史循吏傳譏當時守令之徒不識治體無聞政術非惟暗於前言往行誠不爲誣然則後之人其於此可忽乎哉余深用自懼乃一日者進邑之僚友紳士而謀之曰縣誌之不修也久矣非不修也誌始自前明嘉靖中易公槐虛創草頗爲簡盡後訖明之世無聞焉 國朝一再修於康熙癸丑癸巳乃任事者或因陋而就簡或刻期以速成雖修猶弗修耳夫誌者古今言行得失之林而時勢之因革損益補偏救弊於政治爲尤關者也其曷修諸衆皆曰諾余乃作而言曰誠如是書云政貴有恒辭尙體要殆不可易矣發凡起例列目提綱舉事直書而是非自見者良史才也發潛德之幽光誅姦諛於既厄勿隱勿飾願廣文竹園梁君任之網羅放失搜探遺文訛者正缺者完且凡一字之傳一行之善

必毋遺母濫此當分任其責者也惟諸生王子坦夫陶子上佩等
司之庀材鳩工有公捐而無私派在衆紳士共任之而余以簿書
之暇往來其間雖不敢謂踵事而增華變本而加厲第少寄討論
以樂觀此志之成也抑何厚幸歟始乾隆五年庚申初夏越明年
夏五月余首割廉俸授梓開雕至秋九月事將告竣竹翁乃屬余
序其緣起余嘗閱阮亭司寇長山縣志序歷稱前明康海志武功
崔銑志安陽以其思精而體要文瞻而旨微徵因革知要害物土
宜察風俗有當於禹貢周禮之遺又都元敬稱安福顏德侔陝州
志得古人序述之體登封令李君新誌去取甚嚴叙事有法余皆
無論其文字之高古視此何如而叙事之法要不越此且前言往
行具在簡冊今試溯稽古昔鏡考來茲將後之人其遇有因革之

夏津縣志

序

二

際行補救之權時與勢雖有古今之殊而政治之得失未必不對
斯編而知所据依也謹序

乾隆六年歲在辛酉冬十月朔

夏津縣知縣宛陵方學成武工氏并書

夏津縣志重修姓氏

總裁

文林郎夏津縣知縣加一級紀錄四次方學成台松

纂修

修職郎揀選知縣管夏津縣儒學教諭事梁大鯤伯修

參閱

修職佐郎夏津縣儒學訓導王堃寧一

登仕郎夏津縣管河主簿唐上衡尹孚

校刻

登仕佐郎夏津縣裴家圈巡檢司巡檢趙世泰允恭

夏津縣典史陳邦勳績侯

夏津縣志

卷首

姓氏

三

較訂兼採輯

邑廩生王訢坦夫

邑廩生陶珩上佩

邑廩生梁沛雯友霞

邑庠生宋琚公佩

採輯

選貢考補正黃旗教習期滿候選教諭姜叔琬學圃

廩膳生員考中壬戌科歲貢王友文斐然

邑廩生鄒郡秉衡

邑廩生郭克傑漢三

邑廩生王繡麟振菴

邑

廩

生王履實

誠端

邑

庠

生馬鉉

聚也

邑

庠

生曹名臣

公弼

邑

庠

生杜湘

江陵

邑

庠

生張景房

仲良

繕稿

邑

庠

生張銚

玉相

邑

庠

生曲九齡

鶴亭

夏津縣志

卷首

姓氏

四

夏津縣志目錄

卷首

序文 目錄 凡例 圖考

卷之一

疆域志 目凡八條

星野 沿革 延袤 形勝 河道 古蹟

風俗 巡幸

卷之二

建置志 目凡十條

城池 公署 街市 鎮集附 鄉里 倉局 養濟院普濟堂附

舖舍 武備 馬廠軍屯附 坊表 橋梁 塚墓 漏澤園附

夏津縣志

卷首

目錄

五

卷之三

學校志 目凡十條

學規 學宮 歷代隆儀 國朝聖典

殿廡位次 釋奠禮樂 書籍 學田

義學 社學

卷之四

食貨志 目凡八條

戶役 田賦 起存 稅課 驛遞 鹽法

物產 恩卹

卷之五

典禮志 目凡八條

秩祀附寺觀

公儀

講約

迎春

耕藉

鄉飲

鄉射

賓興

卷之六

官守志目凡四條

封爵

職官

名宦

政蹟

卷之七

選舉志目凡八條

徵辟

進士

舉人

明經

恩選例貢例監附

武科

掾吏

封贈義官壽官農官附

卷之八

人物志目凡五條

夏津縣志

卷首

目錄

六

鄉賢

忠義

孝友

隱行

列女

卷之九

雜志目凡二條

災祥

紀遺

卷之十

藝文志目凡十二條

記

序

傳

文

詳

牒

稟帖

告示

看語

銘

詩

詞

夏津縣志凡例

一舊志創始前明嘉靖庚子 國朝以來康熙癸丑奉文重修
當事者因檄令督促又惜工費乃減削原志略輯 本朝職
官科貢等類竄置其中以應故事迨癸巳奉文再修復因循
陋習此舊志訛缺所由多而考補訂正不容已也况癸巳距
今歷年三十制度人物變更不少不有纂述曷昭示將來故
因事增修以備柱下之徵

一癸巳志六卷惟有地理食貨官師公署學校選舉名宦人物
惠政祀典災異藝文雜志十三條而大半有綱無目今易地
理一綱爲疆域以首列星野地不統天也官師改稱官守示
戒也名宦卽官之不失其守者故繫之若惠政則改政蹟至

夏津縣志

卷首

凡例

七

倉局與公署皆建置中事也秩祀亦僅典禮之一節舉其偏
則所遺者多矣故新增建置典禮二綱以統其全至於食貨
學校選舉人物藝文雜志六條綱雖仍舊目亦另列共分爲
十綱七十五日合成十卷總期詳核清晰以免率略之譏
一疆域不列山川邑無山歸川於河道紀實也特增 巡幸一
目紀異數也建置增武備一目以器械墩堡并屬營建且捍
衛城池保護倉局應以類及也

一學校亦建置中事另列一綱十日者重之也且歷代隆儀與
國朝盛典凡所爲禮明而樂備者下邑多未及考備著於冊
所以便肄習也

一食貨舊志不載賦役登減之詳茲據府志與古碑並現行則

例凡一切正雜等項皆確覈而悉書之以毫忽抄合罔非斯民膏血不敢忽也

一典禮秩祀一條舊志多云未詳茲皆表其由來所以明崇報也公議講約迎春耕藉與夫飲射賓興均係鉅典宜列掌故因併及之

一官守志先列封爵職官以備參考次名宦次政蹟以寓景仰至舊志以魏黨李精白竄入名宦殊非所以示勸今削之而節敘其治邑之善政頗爲瑕不掩瑜又舊志自嘉靖十九年以至明季僅載縣令五人學博典史各二人餘俱遺其姓氏今遍爲搜羅共增入前代職官一百四十二名又其中有升祀名宦二名皆註云見某處所以傳信也

夏津縣志

卷首

凡例

八

一舊志選舉不列徵辟甲乙榜姓名科分亦多遺錯甚至前明制貢萬曆四十八年之間僅載五人則其疎漏尙堪言哉今補其遺者三十餘人他亦頗爲訂正惟無考者則仍舊蓋古史闕文之意農官國朝特典義不容泯且例貢監舊志已登不便削去殆亦所謂有其舉之莫或廢也閱者諒焉

一舊志人物鄉賢而外僅列孝義一目今分忠義孝友隱行爲三似較明晰至於前代鄉賢補其遺者四人必註云見某處示慎也忠義孝友隱行以及列女共續增六十餘人皆由採訪各生呈報到學又取具族長甲鄰冊結牒縣覆准方敢登載不敢遺亦不敢濫尤慎之又慎也

一雜志舊列藝文之後又與災異各爲一條今以災異爲雜志

之目則其事蹟皆關一邑安危故先之也又藝文新增爲多然必係邑風土足備考徵乃敢採錄非徒以其文也否則文雖鴻麗亦罔敢泛收致災梨棗

一嘉靖庚子與康熙癸丑二志原板已燬無存癸己志又多訛缺不足爲據因以續修而任創造之勞列目提綱另爲編纂蓋有不得已之意焉非故欲翻前人成案也然才識疎庸見聞寡陋雖極力搜輯不敢保無遺錯之處補缺訂誤仍有望於後之君子

一茲志刊刻工費浩繁紳士捐項不足半係 邑侯松台方公墊支乃竣其事使守藏不謹致有散佚非所以垂久遠也板成議貯縣庫仍祈新舊接任官留意交盤庶茲志永存卽此

夏津縣志

卷首

凡例

九

舉不朽而闔邑生靈之精神命脈亦實式憑之

一邑志數十年之後必需增修然土地人民政事有變有不變變者增輯不變者仍舊可也查恩縣舊志六卷成於萬歷戊戌 國朝雍正癸卯增輯百餘年事蹟另爲志五卷名曰續志與舊志相合並行實爲省便茲志旣成後閱數十年可否倣照恩縣續修之例以省工費統俟來哲酌定

一茲志十卷凡閱十八月乃成其廣詢博採同學諸子之力居多而刪潤裁定則皆出 邑侯方公松台明府手也至於編輯乖舛予實任之無所逃罪後有作者雖存原板亦當於續志中辭而闕之無誤千百世以重予之咎則感且不朽

夏津縣教諭不夜梁大鯤謹識


夏津縣志

夏津縣志

卷首

圖

十





縣城圖


夏津縣志

卷首

圖

十一





夏津縣志

卷首

圖

十二

靈顯廟


廟

瀉澤園

社稷壇



北



風雲壇


臺頭寺


夏津縣志

卷首

圖

十三







郟城曉望


夏津縣志

卷首



十五

寶塔玲瓏



魁星樓

武庫



夏津縣志

卷首

十六

馬頰晴虹

